

Upravi društva BIHAĆKA PIVOVARA d.d. Bihać

Obavili smo reviziju priloženih finansijskih izvještaja društva **BIHAĆKA PIVOVARA d.d. Bihać** (Društvo) na dan 31. decembra 2009. godine izloženih na stranicama 8 do 32. Finansijski izvještaji pripremljeni su na osnovi Zakona o računovodstvu i reviziji u Federaciji Bosne i Hercegovine i računovodstvenim standardima koji se primjenjuju na teritoriji Federacije i koji obuhvataju: Međunarodne računovodstvene standarde (IAS) i Međunarodne standarde finansijskog izvještavanja (MSFI) zajedno sa uputstvima, objašnjenjima, smjernicama i načelima koje Međunarodna federacija računovođa (IFAC) i Odbor za međunarodne standarde revizije i uvjeravanja (IASB) donose i koje Komisija za računovodstvo i reviziju Bosne i Hercegovine prevede i objavi te primjenom računovodstvenih politika izloženih na stranicama 12 i 13.

Odgovornost Uprave i revizora

Kako je izloženo na stranici 5, za navedene finansijske izvještaje odgovara Uprava. Naša odgovornost odnosi se na izražavanje neovisnog mišljenja o tim finansijskim izvještajima na osnovi obavljene revizije.

Temelj za izražavanje mišljenje

Postupak revizije finansijskih izvještaja Društva proveden je u skladu sa Međunarodnim revizijskim standardima. Međunarodni standardi revizije (ISA), koje smo primjenjivali, zahtijevaju planiranje i provođenje revizije do nivoa potrebnog nam za dobivanje dovoljno dokaza o tome da finansijski izvještaji ne sadrže materijalno značajna pogrešna iskazivanja. Revizija obuhvata ispitivanje, na test osnovi, evidencija i računovodstvenih podataka što potkrepljuju iznose i objave prikazane u finansijskim izvještajima. Za potrebe ocjene rizika, revizor vrši procjenu internih kontrola vezanih za pripremanje i fer prezentiranje finansijskih izvještaja, u svrhu određivanja revizorskih procedura prikladnih datim uslovima, ali ne u svrhu davanja mišljenja u pogledu funkcionisanja internih kontrola Društva. Revizija takođe obuhvata procjenjivanje korištenih računovodstvenih načela i značajnih procjena Uprave, kao i cjelokupne prezentacije finansijskih izvještaja. Vjerujemo da naša revizija pruža razumnu osnovu za izražavanje mišljenja.

Značajke koje utiču na revizorsko mišljenje

Ograničenje obima

1. Za potrebe naše revizije nije bilo ograničenja obima djelovanja.

Odstupanja od računovodstvenih standarda

2. Nije bilo značajnih odstupanja od računovodstvenih standarda.

Mišljenje

Po našem mišljenju, finansijski izvještaji prikazuju realno i objektivno u svim značajnim aspektima finansijski položaj društva **BIHAĆKA PIVOVARA d.d. Bihać** na dan 31. decembra 2009. godine, rezultate njegova poslovanja, gotovinski tok i promjene kapitala za godinu tada završenu u skladu sa Zakonom o računovodstvu i reviziji u Federaciji Bosne i Hercegovine i računovodstvenim standardima koji se primjenjuju na teritoriji Federacije i koji obuhvataju: Međunarodne računovodstvene standarde (IAS) i Međunarodne standarde finansijskog izvještavanja (MSFI) zajedno sa uputstvima, objašnjenjima, smjernicama i načelima koje Međunarodna federacija računovođa (IFAC) i Odbor za međunarodne standarde revizije i uvjeravanja (IASB) donose i koje Komisija za računovodstvo i reviziju Bosne i Hercegovine prevede i objavi te primjenom računovodstvenih politika izloženih na stranicama 12 i 13.

Za bolje razumijevanje finansijske pozicije Društva na dan 31. decembar 2009. godine i rezultata njegovog poslovanja za godinu koja je tada završila, te obima naše revizije, priloženi finansijski izvještaji trebaju se čitati zajedno sa finansijskim izvještajima, te pratećim bilješkama u našem revizorskom izvještaju.

Sarajevo, 18. januar 2010. godine



Revsar d.o.o. Sarajevo

A handwritten signature in blue ink that reads "Alma Malinović".

Direktor/vlasnik

Alma Malinović, ovlaštenu revizor